



# ხალხები მოითხოვენ განიარაღების საკითხის გადაჭრას \* მთელს მსოფლიოში მშვიდობისათვის! \* ამერიკის „სამხედრო დახმარების“ გაბეზი \* ამერიკის შეერთებული შტატები წარუმატებლად განიცდიან აზიას \* ახალგაზრდობის ცხოვრება საზღვარგარეთ

19 მარტს ინგლისის დედაქალაქ ლონდონში განახლდა გაერთიანებული ერების ორგანიზაციის განიარაღების კომისიის ქვეკომიტეტის სხდომა. ქვეკომიტეტის მუშაობაში მონაწილეობენ საბჭოთა კავშირის, ინგლისის, ამერიკის შეერთებული შტატების, საფრანგეთისა და კანადის წარმომადგენლები. პირველი სხდომის გახსნისას ინგლისის საგარეო საქმეთა სახელმწიფო მინისტრმა ნატინგმა აღნიშნა, თუ რაოდენ დიდი მნიშვნელობა აქვს განიარაღების საკითხის გადაჭრას სხვა გადაუჭრელი საერთაშორისო პრობლემების მოგვარებისათვის.

ქვეკომიტეტის სხდომების განახლებას, როგორც ცნობილია, წინ უსწრებდა განიარაღების საკითხზე წერილების გაცვლა სსრ კავშირის მინისტრთა საბჭოს თავმჯდომარე ნ. ა. ბულგანინისა და ამერიკის შეერთებული შტატების პრეზიდენტ დ. ეიზენჰაუერს შორის. ნ. ა. ბულგანინმა თავის წერილებში ხაზი გაუსვა განიარაღების საკითხის გადაწყვეტის უდიდეს აუცილებლობას და მიუთითა ამის მისაღწევ პრაქტიკულ გზებზე. ამერიკის პრეზიდენტმა 1 მარტით დათარიღებულ წერილში იმედი გამოთქვა, რომ განიარაღების ქვეკომიტეტის სხდომები საშუალებას მოგვცემენ „მივალწიოთ ნამდვილ წინსვლას“. მაგრამ ამერიკის პრესამ ეიზენჰაუერის წერილი შეაფასა, როგორც „სიტყვიერი ბრძოლის გამოვლინება“.

ამერიკის შეერთებული შტატების მმართველი წრეების წარმომადგენლებს, — წერს გაზეთი „პოსტ დისპეტჩერი“, — მიაჩნიათ, რომ მათთვის უფრო მნიშვნელოვანია შეიარაღებული ძალები იყოლიონ „ახლანდელ დონეზე, დაახლოებით 3 მილიონი კაცის რაოდენობით“, ვიდრე მიაღწიონ სხვა სახელმწიფოების შეიარაღებული ძალების შემცირებას.

ამერიკის შეერთებული შტატების პოზიციის წინააღმდეგ გამოდიან ყველა ქვეყნის ხალხები და გადაჭრით მოითხოვენ დადებითად გადაწყდეს განიარაღების საკითხი. მშვიდობის მსოფლიო საბჭომ გამოაქვეყნა მიმართვა, რათა ჩატარდეს კამპანია განიარაღების იდეის მხარდაჭერისათვის. ამ მოწოდებას ყველგან მხურვალედ შეხვდნენ.

დამასკის, ისე როგორც მთელი სირიის, მოსახლეობამ აღნიშნა მნიშვნელოვანი მოვლენა — 17 მარტს ამ ქვეყნის გამოჩენილ საზოგადოებრივ მოღვაწეს, მშვიდობის მომხრეთა ეროვნული კომიტეტის თავმჯდომარეს შეინ მუჰამედ ალ-აშმარს გადაეცა საერთაშორისო სტალინური პრემია „ხალხთა შორის მშვიდობის განმტკიცებისათვის“. პრემიის საზეიმო გადაცემას აგრეთვე დაესწრნენ სირიის სახელმწიფო და საზოგადო მოღვაწეები, აგრეთვე ლიბანის, იორდანის, ერაყის

მშვიდობის მომხრეთა მოძრაობის წარმომადგენლები.

შეიხ ალ-აშმარმა, მიიღო რა საერთაშორისო პრემიის ლაურეატის დიპლომი და ოქროს მედალი, ხაზგასმით აღნიშნა, რომ სირიელ ხალხს, ისე როგორც სხვა არაბ ხალხებს, რომლებიც ნამდვილი განმათავისუფლებელი მოძრაობის პერიოდში იმყოფებიან, მხურ-

ნავს, აზიის ქვეყნებში სულ უფრო მკაფიოდ ვლინდება უკმაყოფილება ამერიკის პოლიტიკისადმი. „ამერიკის შეერთებული შტატები წარუმატებლობას განიცდიან აზიაში“, — წერს კორესპონდენტი და დასძენს, რომ ამერიკის შეერთებული შტატების პოლიტიკას აკრიტიკებენ ამერიკის ისეთი „მოკავშირეებიც“ კი, როგორცაა ტაი-

ლანდი, ფილიპინები და იაპონია. ყოველივე ამას კორესპონდენტი დასკვნამდე მიჰყავს: აზიის ქვეყნებს სურთ იყვნენ თავისუფალნი, დამოუკიდებელნი და სულ უფრო უარყოფით დამოკიდებულებას იჩენენ ამერიკული „დახმარებისადმი“.

ბერლინში გაიმართა ახალგაზრდობის მიტინგი, რომელზეც სიტყვით გამოვიდა თავისუფალი გერმანელი ახალგაზრდობის კავშირის დასავლეთ გერმანიის ორგანიზაციის ერთერთი ხელმძღვანელი მოღვაწე ვ. ზეიფერტი, რომელიც ამასწინათ გამოიქცა დასავლეთ გერმანიის ერთერთი ციხიდან. ვ. ზეიფერტმა გერმანელ ახალგაზრდობას მოუწოდა გააძლიეროს საპროტესტო გამოსვლები დასავლეთ გერმანიაში ახალგაზრდა გერმანელი პატრიოტების დევნის წინააღმდეგ.

20-21 მარტს პრალაში მიმდინარეობდა კონფერენცია ახალგაზრდული ბრიგადების საუკეთესო მუშაკებისა, რომლებიც მიმდინარე წლის დასაწყისში ყამირი მიწების ასათვისებლად გაემგზავრნენ.

კონფერენციაზე, რომელსაც ესწრებოდა 700-ზე მეტი ჰაბუკი და ქალი-შვილი, მოხსენებით გამოვიდა სახელმწიფო მეურნეობათა მინისტრის მოადგილე ფ. კორდი.

კონფერენციაზე სიტყვით გამოვიდა ჩეხოსლოვაკიის კომუნისტური პარტიის ცენტრალური კომიტეტის პირველი მდივანი ანტონინ ნოვოტნი.


## საკდესის დებუშების მიმოხილვა

ვალედ სურთ მშვიდობის განმტკიცება მთელს მსოფლიოში.

ამერიკის შეერთებული შტატების კონგრესისადმი გაგზავნილ მიმართვაში ამერიკის პრეზიდენტმა დ. ეიზენჰაუერმა წინადადება წამოაყენა მორიგ საბიუჯეტო წელს, რომელიც იწყება 1956 წლის 1 ივლისს, 5 მილიარდი დოლარი ასიგნებულ იქნეს „საზღვარგარეთ ამერიკის შეერთებული შტატების ოპერაციებისათვის“. ამ თანხის დიდი ნაწილი დაგეგმილია ამერიკის შეერთებული შტატების მოკავშირეთა შეიარაღებისათვის, ე. ი. საომარი მზადების გასაძლიერებლად ევროპის, აზიის, ამერიკის იმ ქვეყნებში, რომლებიც მონაწილეობენ შეერთებული შტატების მოთხოვნით ორგანიზებულ სამხედრო ბლოკებში.

ამასწინათ კარაჩში ჩატარებული „სამხრეთ-აღმოსავლეთ აზიისათვის სამხედრო ბლოკის“ (სეატო) საბჭოს სესიის შემდეგ ამერიკის შეერთებული შტატების სახელმწიფო მდივანმა დალესმა იმოგზაურა ამ რაიონის მთელ რიგ ქვეყნებში. მოგზაურობის მიზანი იყო აზიაში ამერიკის შეერთებული შტატების მმართველი წრეების პოზიციის განმტკიცება.

მაგრამ, როგორც ამერიკის საინფორმაციო სააგენტოს იუნაიტედ პრესის ტოკიოელი კორესპონდენტი აღნიშ-



ინდონეზია. კაუჩუკის პლანტაციების მუშათა ხაცხოვრებელი ხაზლები ჯამბუში.